

春秋取義測

春秋取義測

卷之六

膠州法坤宏

文公

元年春王正月公即位

即位者告廟臨羣臣也國君繼立踰年正月必改元正位禮也文公成公先君未葬而即位春秋大書之朱子曰天子諸侯之禮與士庶不同伊訓元祀十有二月朔亦是新喪伊尹以奉嗣王祇見厥祖不用凶服漢唐新主即位皆行冊禮君臣吉服追述先帝之命以告新君蓋易世

傳授國之大事王侯以國為家雖先君之喪猶以為己私服也

二月癸亥日有食之○天王使叔服來會葬

魯僖佐二伯有成勞天子于其葬也有加禮○列侯交政以來見于我魯無國君會葬之文襄定之薨兩書滕子則春秋之季也桓文興而周室微以王官之貴會葬外侯春秋特筆之譏變禮

夏四月丁巳葬我君僖公○天王使毛伯來錫公命

錫命之文春秋獨於三公有譏者以文未畢喪而錫命則已早成立八年而後錫則已遲至桓則生不受命死乃追錫之皆所謂禮之變者

晉侯伐衛

晉襄繼伯也據傳襄公朝王于溫先且居伐衛凡春秋書伐皆罪詞晉侯朝王伐衛疑若無罪矣猶書伐者晉侯得朝王不得伐衛董子曰春秋常於其嫌得者見其不得也

叔孫得臣如京師

拜錫命也在喪不能躬往使大夫特筆之譏禮

之變

衛人伐晉

征者上伐下也敵國不相征也晉衛相伐均罪
爾春秋不以晉伯而有異詞示賤伯之教

秋公孫敖會晉侯于戚

君在喪而敖出會伯主政出大夫之效也

冬十月丁未楚世子商臣弑其君頹

陳傅良曰楚國未志其志頹何世子弑君不可
以楚不志也

公孫敖如齊

二年春王二月甲子晉侯及秦師戰于彭衙秦師敗績

秦晉齊楚春秋大國也其戰伐皆有繫于天下之故錄之特詳先晉于秦者內中國外四夷史

文例

僖十五年戰于韓三十二年戰于敗秦于轍文七年戰于狐十二年戰于河曲

丁丑作僖公主

羣公無言作主者古人重尸不重主祭各于其宮不須主惟于合食時用主以別几筵次序故禮有毀廟不言毀主此二月作主八月大事于大廟將用之以躋僖公特筆之

三月乙巳及晉處父盟

傳曰厭盟也不曰晉處父來盟曰及晉處父盟

據鄭語

盟于晉也大夫盟諸侯也公如晉不書

史為內諱

隴
夏六月公孫敖會宋公陳侯鄭伯晉士穀盟于垂

此外大夫會盟諸侯之始公侯列序而士穀書
名大夫為政也

自十有二月不雨至于秋七月

穀梁謂文不憂雨深得春秋垂訓之旨

八月丁卯大事于大廟躋僖公

逆祀也。祔僖主于閔上也。祔廟常禮不書大事于大廟。躋僖公以爲非常特書之。義與禘廟致夫人同譏。○王克揆曰。據禮凡祔皆稱躋如云躋祔爾于皇祖伯某是也。孫祔于祖。越父而上。故曰躋躋即祔也。然則躋僖公常禮爾。春秋於躋羣公不皆書而特書躋僖公。故傳云譏逆祀。冬晉人宋人陳人鄭人伐秦。

列序諸國而首晉存伯也。四國稱人大夫也。

公子遂如齊納幣。

納幣不悉書

據桓娶夫人姜氏不書納幣

特書公子遂如齊

納幣起後事之變也納幣使卿而逆婦以微者傳所謂貴聘而賤逆也

三年春王正月剡孫得臣會晉人宋人陳人衛人鄭人伐沈沈潰

譏伐沈也沈小國無罪受伐書伐書潰甚之也得臣會伐大夫為政也不稱帥師不以師會也夏五月王子虎卒

同盟故也翟泉召陵之會王子虎劉子在焉故俱書卒書名

秦人伐晉

志秦伯也據傳濟河焚舟取王官及郊晉人不
出遂伯西戎

秋楚人圍江○雨蝨于宋

記異也書于宋別于內地書法與隕石六鹵同
例

冬公如晉十有二月己巳公及晉侯盟

晉人懼無禮于公請改盟特書公及尋前盟也
晉陽處父帥師伐楚以救江

前書世子商臣弑君此書伐楚以救江見晉非

能伐楚也此書伐楚以救江後書楚人滅江見
晉非能救江也比事觀之而義各自見外大夫
帥師書名始此征伐自大夫出也

四年春公至自晉

公如晉者二十書至者十有三書其至以見其
有不得至不以至為常也

夏逆婦姜于齊

不書逆者名氏乃微者往婦對姑之稱時僖夫
人聲姜在○經書逆夫人惟此最略不書逆者
名氏不書逆女不稱夫人不言氏不書至蓋常

時逆事本略故史文亦略孔子著之為後子弑
夫人歸張本

狄侵齊○秋楚人滅江○晉侯伐秦

報王官之役伐晉稱人大夫將也伐秦稱爵君
自行也

衛侯使甯俞來聘○冬十有一月壬寅夫人風氏
薨

薨以夫人之禮也僖公降于所生成以夫人之
禮天子諸侯亦以夫人之禮禮之禮之變也春
秋特筆之

五年春王正月王使榮封歸舍且贈○三月辛亥
葬我小君成風

據傳葬則廟仲子不稱夫人故別考宮若成風
書夫人書小君則不疑於祔矣故用致夫人非
指哀姜也哀姜僇死法不應祔而僖自崇其母
如漢家廢呂后而配薄后之事故傳家有母以
子貴之法

天王使召伯來會葬

王臣會葬侯國非常禮春秋獨於僖公成風兩
見之伯事興而王室下儕於侯封婚禮廢而嬖

妾上擬於嫡妃僖之葬書來會志禮之變也成風之葬書來會又變之變也○成風妾母薨稱夫人葬稱小君春秋書之不為異詞焉豈與之乎曰春秋之修以書不書見義君夫人歸贈不書而於仲子特書之舍祔會葬不皆書而於成風備書之於前天王之贈而書惠公仲子於後秦人之祔而書僖公成風春秋未嘗與妾母為夫人也

夏公孫敖如晉○秦人入郟

秦已得志于晉故旁侵小國

秋楚人滅六○冬十月甲申許男業卒

六年春葬許僖公○夏季孫行父如陳

修前聘也行父季友之嗣據傳陳衛方睦故行父聘于陳以求好春秋比書衛侯使甯俞來聘季孫行父如陳志諸侯大夫之交私

秋季孫行父如晉○八月乙亥晉侯驩卒○冬十月公子遂如晉葬晉襄公

桓文之葬卿無出送之文書公子遂如晉葬晉襄公譏變禮也

晉殺其大夫陽處父晉狐射姑出奔狄

射姑殺之也於是君在喪亂自下作書殺書奔國之無政也

閏月不告月猶朝于廟

譏始不告月也書猶朝于廟譏後四不視朔不朝于廟也公之急于為政也

七年春公伐邾三月甲戌取須句遂城郛

僖公嘗伐邾取須句

僖二十二年

升陞之戰邾人再

滅之至是復伐取焉因伐邾遂城郛重勞民也

夏四月宋公王臣卒宋人殺其大夫

書宋公王臣卒宋人殺其大夫宋人殺其大夫

司馬宋司城來奔宋子哀來奔比事以觀國亂
無政可知為後弑其君起案

戊子晉人及秦人戰于令狐晉先蔑奔秦

及戰稱晉人國無君也趙盾舍嫡嗣而外求君
先蔑居卿位相從於昏皆罪也奔不言出自軍
中而去

狄侵我西鄙

比書狄侵齊侵我時無伯也

秋八月公會諸侯晉大夫盟于扈

書公會諸侯晉大夫盟于扈譏大夫為政也大

夫主盟諸侯也諸侯不序晉大夫不名者不以諸侯之序敵一大夫通大夫之得盟諸侯也時諸侯無盟主也襄公卒靈公幼未能出會諸侯無盟主中國之大故也○傳云公後至故不書所會然則晉大夫不名史氏闕文也春秋取義有旨史所不書特筆之

冬徐伐莒公孫敖如莒涖盟

徐伐莒吾為二國求盟好常事爾何以書為下公孫敖奔莒書也大夫之無道也齊桓盛時徐人為我取舒晉伯衰徐先伐莒比觀而伯事之

隆替亦見

八年春王正月○夏四月○秋八月戊申天王崩
○冬十月壬午公子遂會晉趙盾盟于衡雍
會盟自大夫出也諸侯之大夫奔王喪故以其
間會盟于衡雍衡雍畿內地也不書如京師者
以譏專盟為義不得假王事為之辭

乙酉公子遂會雒戎盟于暴

乙酉距壬午四日再書公子遂者以二事行且
以辨中外暴辛公采邑亦畿內地

公孫敖如京師不至而復丙戌奔莒

不至不至京師也不書所至舉京師為重王赴
及魯已三閱月必無至是始往弔者教如京師
已在前矣卿弔王喪禮之常故王崩魯遣大夫
不皆書此因不至京師追治之故以奔莒立文
公○宋人殺其大夫司馬司城來奔

列國之大夫無書官者宋殺其大夫特書官義

繫于官也

義詳宋司馬
華孫來盟

宋以恪封得用先代官

物故司馬司城見于春秋

九年春毛伯來求金

譏方貢不入也按禹貢荆揚貢金三品則諸侯

固有常貢矣時王靈益微職方不修毛伯求金而後王室之求不復譏

夫人姜氏如齊

歸寧也父母在夫人歸寧禮也何以書內夫人之書如惟出姜得禮之正書其正以見有不正焉

二月叔孫得臣如京師辛丑葬襄王

書叔孫得臣如京師譏公之不如京師也諸侯始不會王葬也○書公子遂如京師遂如晉等伯聘于王聘也書公子遂如晉叔孫得臣如京

師夷王葬于伯葬也

晉人殺其大夫先都

頻書晉殺其大夫國無政也晉伯所以不競

三月夫人姜氏至自齊

內夫人之出十有四春秋皆不書其至特書夫人姜氏至自齊為後夫人歸齊起文

晉人殺其大夫士穀及箕鄭父○楚人伐鄭公子遂會晉人宋人衛人許人救鄭

晉伯不競也書救不及事也傳曰鄭及楚平不書不以平為義

夏狄侵齊

秦人入郟楚人滅江滅六伐鄭徐伐莒狄侵我
侵齊侵宋春秋備書之皆以志中國之無伯

秋八月曹伯襄卒○九月癸酉地震

記異也地震必有方不曰于某方為天下記異
也義繫於震不繫於所震之方

冬楚子使櫛來聘

窺我也中國之無伯也楚前與于會盟故君稱
爵臣稱名櫛不氏未以氏通也故秦術吳札亦
皆不氏

秦人來歸僖公成風之祔

僖公成風之祔史文也僖公尊妾母為夫人稱諸邦人稱諸異邦秦人承赴而歸禮國史即事而立文其曰僖公成風者繫母于子殊之所以明貴春秋因史文特筆之以之惠公仲子之例明妾母之不同于正嫡朱子曰僖公成風與晉簡文帝鄭太后一也皆所以著妾母之義

葬曹共公

十年春王三月辛卯臧孫辰卒○夏秦伐晉

史臣立文有詳略同盟之國其君大夫有略而

稱人者其國有略而舉號者秦伐晉鄭伐許皆
史傳聞異詞春秋筆之譏秦晉之相伐

楚殺其大夫宜申

宜申謀弑穆王穆王殺之是殺賊也然商臣亦
弑其君者懷惡而討不可以服人魯史以國殺
大夫立文孔子筆之取義之旨微矣

自正月不雨至于秋七月○及蘇子盟于女栗

據傳頃王立故也襄王之立宰周公出會諸侯
今天下無伯王官不能召會各以其私求助于
友邦而蘇子之盟見于魯史不稱王人者據盟
于逃

稱王

非有王命也不書及者名氏諱私與王臣

盟

冬狄侵宋○楚子蔡侯次于厥貉

志楚圖伯也次于厥貉以窺中國

十有一年春楚子伐麋○夏叔仲彭生會晉卻缺于承匡

謀諸侯之從楚者時中國無伯列侯不自為政而授柄于其大夫聖人不得已而有取猶予伯之義云爾義詳趙盾同盟新城

秋曹伯來朝

二伯之興伯事外朝聘之見于列國者蓋鮮桓
文沒伯權散秦與楚合齊與晉異諸侯各以小
大相屬役曹滕邾杞近魯為魯弱故于其朝聘
備志之

公子遂如宋○狄侵齊○冬十月甲午叔孫得臣
敗狄于鹹

狄侵佚中國以桓文之力莫之能制大書討孫
得臣敗狄于鹹錄功也○得臣不言帥師師少
也據傳獲長狄僑如擒其喉以戈殺之蓋以異
書也獲一人而曰敗大其事之辭

十有二年春王正月邾伯來奔

邾伯不名不通于盟會也特書其奔傷時無王伯諸侯之失其國土

杞伯來朝○二月庚子子叔姬卒

姬或稱伯叔季或稱子伯叔季對兄弟之稱子對父母之稱書卒義同僖九年伯姬

夏楚人圍巢○秋滕子來朝○秦伯使術來聘

時秦晉交惡而與楚善柎來聘術來聘蓋合謀以窺中國

冬十有二月戊午晉人秦人戰于河曲

志二國之爭以著伯事之失秦晉亟戰而楚進
矣

季孫行父帥師城諸及鄆

譏帥師城也城不言帥師帥師季氏之專也

十有三年春王正月○夏五月壬午陳侯朔卒○
邾子蘧蒢卒○自正月不雨至于秋七月世室屋
壞

羣宮通毀易檐改塗有壞廟之禮世室本無壞
道自正月不雨至于秋七月世室屋壞春秋譏
之

冬公如晉衛侯會公于沓○狄侵衛

叔孫得臣敗狄于鹹後再見此侵嗣有赤狄白狄乃狄之別種晉所會欒函之羣狄是也

十有二月己丑公及晉侯盟公還自晉鄭伯會公于棐

譏諸侯之私為會也凡言公會諸侯皆公往與于會沓棐之會變文書會公乃衛鄭來會于我時晉伯不競中諸侯湯無所與觀鴻雁載馳之賦其情可見

十有四年春王正月

春頃王崩周公閱與王孫蘇爭政故不赴凡崩薨不赴則不書禍福不告亦不書懲不敬也案傳稱凡皆舉史例

公至自晉○邾人伐我南鄙叔彭生帥師伐邾○夏五月乙亥齊侯潘卒○六月公會宋公陳侯衛侯鄭伯許男曹伯晉趙盾癸酉同盟于新城

列書諸侯而序趙盾予其同也齊桓于幽之同授諸侯于諸侯新城之同授諸侯于大夫胡氏傳曰夷考晉楚行事未有以大相遠也而春秋予奪如此者荆楚僭王若與同好陵蔑諸夏是

將代宗周為共主君臣之義滅矣

秋七月有星孛入于北斗

經書星孛者三

此年北斗昭十七年大辰衰十三年東方

不言事應

而事應具存傳曰陰陽之事非吉凶之所生也吉凶在人此春秋書災變通義也

公至自會○晉人納捷菑于邾弗克納

晉趙盾以諸侯之師八百乘納捷菑于邾邾人辭曰齊出糴且長宣子曰非吾力不能納也義實不爾克也引師而去之故君子善之而書曰弗克納按傳稱君子曰皆史文也春秋錄之明

伯事之不可以力假

九月甲申公孫敖卒于齊

穀梁奔大夫不言卒而言卒何也為受其喪不可不卒也其地于外也

齊公子商人弑其君舍

嗣君未踰年稱子喪禮也君弑正名曰弑君史法也奚齊荀息所立里克不以為君而殺之故從彼赴我之詞而稱殺子卓與舍國既奉以為君已又見殺自當據我錄彼之例而書曰弑其君不論踰年未踰年也穀梁云成舍之為君所

以重商人之弑合春秋之義矣

宋子哀來奔

凡書奔皆罪詞子哀為國貴戚不能持危定傾委其君而去亦罪也故與諸奔者同書

冬單伯如齊齊人執單伯齊人執子叔姬

子叔姬君舍母也商人弑其君又執君母魯假王寵以請故單伯如齊齊人執單伯先書單伯尊王官也兩書執別男女也

十有五年春季孫行父如晉○三月宋司馬華孫來盟

按傳宋華耦來盟其官皆從書曰宋司馬華孫
貴之也趙汭謂宋昭之弑華氏為之也春秋書
宋人殺其大夫司馬宋司馬華孫來盟宋人弑
其君杵臼則獄有所歸矣

夏曹伯來朝○齊人歸公孫敖之喪

此奔大夫也其喪歸何以志趙氏以為有君命
也王克揆曰大夫去國其宗猶在死喪反告于
宗禮也去國三世其禮猶然故禮為舊君有服
齊人歸公孫敖之喪春秋因事著之以見君臣
之禮愚謂人臣有去國之義所謂有故而去非

有罪也先王制禮待罪臣必有國常春秋無葬
內大夫之文而特書齊人歸公孫敖之喪義當
與杞伯逆叔姬之喪歸同譏

六月辛丑朔日有食之鼓用牲于社○單伯至自
齊

為錄子叔姬之歸而書單伯也單伯為魯使而
見執故書之如致內臣見執之例

晉卻缺帥師伐蔡戊申入蔡

新城之盟蔡人不與故卻缺伐蔡書伐書入甚
之也

秋齊人侵我西鄙○季孫行父如晉○冬十有一月諸侯會于扈

諸侯不序散詞也晉之不能統諸侯也按傳晉侯宋公衛侯蔡侯陳侯鄭伯許男曹伯盟于扈尋新城之盟且謀伐齊也齊人賂晉侯故不克而還吳澂曰晉侯伯主而與諸侯同稱諸侯不以伯主畀晉靈也

十有二月齊人來歸子叔姬

書齊人來歸異于鄭伯姬杞伯姬之來歸也稱子叔姬自魯錄之父母詞

齊人侵我西鄙遂伐曹入其郭

謂諸侯不能故也於是晉遂不競齊首敗盟繼盟扈之後侵我伐曹見齊之因而生心書遂伐特筆也

十有六年春季孫行父會齊侯于陽穀齊侯弗及盟

書會齊侯是與齊有約言矣公不親往故不見與盟書之若齊來盟而弗及者史臣內詞

夏五月公四不視朔

五月四不視朔是正月視朔也每不視朔必書

是每月必視朔也四不視朔疾也書不視朔不
書疾自是公無疾不視朔也譏始不視朔也文
公閏不告朔不視無雨不閏會同不與廟壞不
修比觀之知事神治民之失所以政逮于大夫
六月戊辰公子遂及齊侯盟于鄆丘

前書齊侯弗及盟此書及齊侯盟求與盟也賂
故也

秋八月辛未夫人姜氏薨毀泉臺

譏毀泉臺也先祖為之已毀之不如勿居而已
矣

楚人秦人巴人滅庸

志秦楚之合也秦楚合非中國之利也

冬十有一月宋人弑其君杵臼

凡弑君稱君無道也稱名氏以賊赴獄有所歸者也稱國稱人賊無主名獄無所歸者也春秋為亂臣賊子而作獄無所歸而大書其事則書之即所以誅之矣

十有七年春晉人衛人陳人鄭人伐宋

特書伐宋正名也按傳四國伐宋討弑君之亂猶立文公而還然則非能伐宋也何以書曰春

秋伐國之心未有過於斯舉者君子不逆人以不善苟有可予斯予之耳予之于始乃可責之于終書伐宋于前而書會扈于後其罪有不可得而揜者矣

夏四月癸亥葬我小君聲姜

魯夫人之娶詳於桓莊宣三公而餘皆從略內女之嫁詳於紀伯姬叔姬宋共姬三女而餘皆從略僖之聲姜襄之齊歸聘逆不一書事有詳略由文有筆削也或疑錄聲姜之薨葬於後而不錄娶夫人於前於事之本末不備不知春秋

非錄事也錄義也

齊侯伐我西鄙六月癸未公及齊侯盟于穀

書會齊侯弗及盟及齊侯盟于鄆丘我求彼而與之盟也書齊侯伐我西鄙公及齊侯盟于穀彼脅我而要之盟也公之不能自為政也

諸侯會于扈

伐宋之諸侯也書會扈見未能伐宋於是有齊難公不與會略諸侯而不序此魯史法也因其略而略之以見義修春秋法也故家鉉翁曰兩扈之會諸侯不序春秋所以削晉伯

秋公至自穀冬公子遂如齊

文公不自為政凡諸侯之事多緩不及與政逮於大夫有由然矣春秋備志之

十有八年春王二月丁丑公薨于臺下

臺下泉臺之下也不書臺名已毀故比書毀泉臺公薨于臺下譏公之不以齊終

秦伯瑩卒○夏五月戊午齊人弑其君商人

商人弑君之賊齊人不以為賊而君之君而弑焉斯弑君矣春秋之義正名定罪名其為賊而殺之則曰殺賊名其為君而弑之則亦曰弑君

而已

六月癸酉葬我君文公○秋公子遂叔孫得臣如齊

前此內臣出使無兩卿並書者今文公薨而兩卿出兩卿出而子卒姜氏歸宣公立繼以逆女出聘請會賂田不言其故而故可知矣

冬十月子卒夫人姜氏歸于齊

子子惡也夫人姜氏之子子卒而夫人姜氏歸不容于魯也書子卒夫人姜氏歸于齊而夫人姜氏之歸不以罪可見矣子卒而不名比之於

公薨不稱名之例不言處所比之於君弑不地之例而子之不以其道卒又可見矣○彭生以君弑見殺不書於春秋顧命大臣受藐孤之託不能以身開主汶汶捐軀何關有無哉春秋著仇牧三人之殉君而不錄彭生之徒死致身為國者特之必有其故

季孫行父如齊

告立嗣君也宣公之篡發於仲遂而成於行父故史墨云魯自東門遂殺嫡立庶魯君於是乎失國政在季氏

莒弒其君庶其

取義測卷之七

膠州法坤

宣公

元年春王正月公即位

繼故而言即位例比於桓宣罪同桓而十八年之間皆書王者法已舉於前矣其於舉正也亦然隱不書正而羣公之編皆書例同此

公子遂如齊逆女

婚於齊以求援焉翬弑隱桓立而逆女使翬遂弑赤宣立而逆女使遂二人皆國賊也桓宣不

以為賊而亢寵之故書法並同

三月遂以夫人婦姜至自齊

夫人姜氏已歸齊宣夫人何以稱婦姜敬嬴在也書之見篡嫡之禍發於內寵並妃

夏季孫行父如齊

內洛以請會

大夫胥甲父于衛

會盟周典禮也征伐放殺周典

奉一王之法凡國典所施鄰邦文

此焉春秋大書之故韓子曰春秋書不

諸侯

伯與

公會齊侯于平州

定公位也書法如桓公鄭伯之會于乘

公子遂如齊六月齊人取濟西田

譏賂也魯人致賂而書齊人取田史氏錄內之
文春秋筆之乃以著齊罪

秋邾子來朝○楚子鄭人侵陳遂侵宋

楚求諸侯也伯事興必爭宋鄭今楚已得鄭故
遂侵宋後十五年而宋楚平後五十年而合晉
楚之成中國諸侯分爲南北之從自侵宋始也
特筆之

晉趙盾帥師救陳宋公陳侯衛侯曹伯會晉師于
棗林伐鄭

大夫始用諸侯也書趙盾帥師書諸侯會晉師
不與大夫用諸侯也譏諸侯之不自為政也三
扈之會盟諸侯皆不序而棗林乃序趙盾政出
大夫豈一日之故哉

冬晉趙穿帥師侵崇

崇秦與也晉秦相惡伯事之失也特筆之

晉人宋人伐鄭

棗林之會伐鄭無功復伐之按傳於是晉侯侈

趙宣子為政驟諫而不入故不競于楚

二年春王二月壬子宋華元帥師及鄭公子歸生帥師戰于大棘宋師敗績獲宋華元

鄭受楚命也書宋華元帥師鄭公子歸生帥師者其衆敵也書宋師敗績獲宋華元者師既敗績帥又見獲也時晉楚爭伯與國互相侵伐

秦師伐晉○夏晉人宋人衛人陳人侵鄭

報大棘之後比書晉伐鄭侵鄭見鄭未服晉大不競于楚

秋九月乙丑晉趙盾弑其君夷臯

趙盾已去國本無弑君之心至聞君弑而反反
又不討賊則不韋而有其迹矣所謂為人臣子
而不知春秋之義必陷篡弑之罪是也然則趙
盾何以不討賊春秋亂世君臣之大義不明盾
自以身在外變由內作疑若無罪迨董史聲其
罪以示於朝而盾受之不敢辭孔子修春秋特
筆其事然後討賊大義昭垂於天下萬世孟子
曰春秋成而亂臣賊子懼蓋謂精義之學不至
賢如趙盾不免於受惡故可懼也漢許后之弑
霍子孟不知也使知之而克以義自裁雖身受

惡名必有曲諒其心者俾附於趙盾許世子止之例惟其不學無術乃終陷於不可赦之罪故為人臣子不可不知春秋也

冬十月乙亥天王崩

三年春王正月郊牛之口傷改卜牛牛死乃不郊猶三望

郊牛傷死乃不郊郊之變也曰猶三望譏三望也泰山魯望禮所得祀故以三望為譏

葬匡王

四月而葬譏速不書往葬之人我公親之

楚子伐陸渾之戎

蠻夷相伐不書據傳觀兵于周疆問鼎之大小輕重焉天下之大故也特筆之

夏楚人侵鄭

鄭即晉故也晉前伐鄭鄭及晉平不書二國不務德而兵爭故凡以力取成者不悉書而但書晉楚之侵伐以示譏

秋赤狄侵齊○宋師圍曹

比書宋圍曹圍滕公取向取繹齊伐萊伐莒皆以志晉伯之不競

冬十月丙戌鄭伯蘭卒葬鄭穆公

四年春王正月公及齊侯平莒及郕莒人不肯公伐莒取向

按公羊云其言不肯何辭取向也乃魯人聲罪執言所謂欲加之罪何患無詞者郕與莒有疆場之怨公為郕平莒而挾齊以為請不足以服莒人之心故莒人不肯書伐莒書取向義自見矣

秦伯稻卒○夏六月乙酉鄭公子歸生弑其君夷按左傳鄭人討弑君之亂斲子家之棺而逐其

族歸生首惡在當時已有定論孔子直筆史文以見義

赤狄侵齊○秋公如齊公至自齊○冬楚子伐鄭楚爭伯也鄭有弑君之罪楚子伐之中國不振旅使強有力者得假義以行其私而蠻夷進矣然則春秋非予楚也乃責晉也

五年春公如齊

頻書內君臣如齊著齊人比逆黨篡之惡魯人背同即異之罪

夏公至自齊○秋九月齊高固來逆子叔姬

公在齊高固使齊侯止公請婦至是來逆自為也

叔孫得臣卒○冬齊高固及子叔姬來

反馬也大夫非公事與妻出境春秋不以及馬得禮而不譏故曰春秋禮義之大宗也

楚人伐鄭

六年春晉趙盾衛孫免侵陳○夏四月○秋八月
螽○冬十月

七年春衛侯使孫良夫來盟

睦我於晉也宣篁立親齊而外晉衛欲合二國

之好故使孫良夫來盟是年冬公與黑壤之會
夏公會齊侯伐萊○秋公至自伐萊○大旱○冬
公會晉侯宋公衛侯鄭伯曹伯于黑壤

盟于黑壤公不與書會不書盟未成好也

八年春公至自會○夏六月公子遂如齊至黃乃
復

有疾也書乃復不書有疾有疾猶不得復也

辛巳有事于大廟仲遂卒于垂壬午猶繹萬入去

籥

有事謂烝嘗仲遂即公子遂不稱公子據季友卒稱公

子間無異事蒙上省文平稱仲遂恩錄同于季友繹祭之明日也猶者有事未畢之詞遂以辛巳日卒于垂壬午日聞于廟方將萬入而去籥君為大夫變也遂殺嫡立庶于法應誅宣不以為賊而始終之恩禮有加焉春秋因變事卒之乃所以譏宣

戊子夫人嬴氏薨

春秋既書夫人姜氏薨于夷又書夫人風氏薨則知哀姜為莊公夫人而成風乃妾也既書夫人姜氏歸于齊又書夫人嬴氏薨則知出姜為人姜氏歸于齊又書夫人嬴氏薨則知出姜為人

文公夫人而敬嬴乃妾也讀者比事考之雖微傳而嫡庶之分明矣○仲子惠公之妾母雖天王有命而薨葬不書考官別祀之知不訃不祔未嘗奉為夫人也成風僖公之妾母薨稱夫人葬稱小君天子歸含賵焉成之為夫人矣而秦人歸襚書曰僖公成風雖國人稱之異邦人猶未嘗稱夫人也今敬嬴亦宣公之妾母春秋書夫人姜氏歸于齊書公子遂如齊逆女遂以夫人婦姜至自齊婦者有姑之詞是敬嬴以子貴遂自立為夫人命使求婦稱諸國人稱諸異邦

嗣是而後習為故常定如以下無譏焉

晉師白狄伐秦

殺之役姜戎書及制之在我也此則晉狄並書引以為援也自古借助外兵鮮有不自貽患者春秋書晉師白狄伐秦于前書秦人白狄伐晉于後比觀之可得其義

楚人滅舒蓼○秋七月甲子日有食之既○冬十月己丑葬我小君敬嬴雨不克葬庚寅日中而克葬

仲遂與敬嬴比而殺嫡其卒其薨春秋亦比書

焉卒已距戊子八日耳遂以如齊卒于垂嬴以
靈雨不克葬天道之不爽信夫于定之葬也亦
云春秋兩書雨不克葬皆在宣定之世其旨微
矣

城平陽○楚師伐陳

九年春王正月公如齊公至自齊夏仲孫蔑如京
師

八年十年書春而此年特書王正譏公之朝正
于齊也書春王正月公如齊夏仲孫蔑如京師
譏公不朝正于京師也○魯君臣如京師常禮

爾書不勝書故僖以前不一書然魯君臣如京師典禮也又不可不書故僖以後特以事書僖十三年書公子遂以答周公聘也文元年書糾孫得臣以拜錫命也八年書公孫敖以奔王喪不至而復也九年書糾孫得臣以葬襄王也成十三年書公如以自京師遂會伐秦也昭二十二年書糾鞅以葬景王王室亂也此年無事書如義乃以比而見

齊侯伐萊○秋取根牟○八月滕子卒○九月晉侯宋公衛侯鄭伯曹伯會于扈晉荀林父帥師伐

陳

討不睦也扈之會魯陳不至故伐陳諸侯在會而林父帥伐伯主之不自為政也

辛酉晉侯黑臀卒于扈

以會卒也承會事終言之故以會地書不言卒于會者時諸侯已散

冬十月癸酉衛侯鄭卒

晉成公何以不葬魯不會也衛成公何以不葬亦魯不會也衛成為晉致魯使孫良夫來盟黑壤之會二國之好不終春秋譏之

宋人圍滕○楚子伐鄭晉郤缺帥師救鄭

書晉伐陳救鄭于前書陳鄭盟楚于後譏晉不能有陳鄭

陳殺其大夫洩冶

許翰曰書殺洩冶張陳亡之本也

十年春公如齊公至自齊齊人歸我濟西田

書歸以著其取之之罪書我以著其賂之之罪

夏四月丙辰日有食之○己巳齊侯元卒齊崔氏出奔衛

崔氏貴族高國命卿皆世祿也春秋書崔氏國

佐高无咎之奔殺譏當時大夫為政以權相傾
軋

公如齊

奔喪也不言其事尊內也

五月公至自齊○癸巳陳夏徵舒弑其君平國○
六月宋師伐滕○公孫歸父如齊葬齊惠公○晉
人宋人衛人曹人伐鄭○秋天王使王季子來聘
比書宰周公來聘公子遂如京師答宰周公也
比書仲孫蔑如京師王季子來聘報仲孫蔑也
王朝聘使夷同交邦之常自是王聘不復譏

公孫歸父帥師伐邾取繹○大水○季孫行父如齊○冬公孫歸父如齊

行父如齊聘嗣君也歸父如齊伐邾故也宣公感齊惠接立之德卑屈媚悅以逭篡弑之討十年之間身往者五臣往者七伐萊伐莒無役不供賂田請女無欲不遂春秋備書之志時無王伯諸侯黨惡肆虐乃如是

齊侯使國佐來聘○饑○楚子伐鄭

子良曰晉楚不務德而兵爭與其來者可也乃即楚

十有一年春王正月○夏楚子陳侯鄭伯盟于辰陵

楚遂伯也列序諸侯而首楚子楚主盟也

公孫歸父會齊人伐莒○秋晉侯會狄于欒函

書楚子盟陳鄭于辰陵志楚主諸侯也書晉侯

會狄于欒函志晉不在中國也狄謂羣狄

冬十月楚人殺陳夏徵舒

稱楚人討賊之詞天下之惡一也義不限於內

外

丁亥楚子入陳納公孫寧儀行父于陳

殺其賊義也入其國惡也殺夏徵舒書楚人以討賊之義予楚人也入納書楚子以入與納之惡罪楚子也納者不宜納也書曰納公孫寧儀行父于陳二臣之惡亦俱見

十有二年春葬陳靈公

此陳改葬先君而魯往會也春秋筆之以為臣子復讎之心於是乎可以釋矣公羊傳曰書葬君子詞也

楚子圍鄭○夏六月乙卯晉荀林父帥師及楚子戰于邲晉師敗績

林父之師以救鄭也不書救非救也時鄭已從
楚書戰書敗罪晉也

秋七月○冬十有二月戊寅楚子滅蕭

志楚之暴

晉人宋人衛人曹人同盟于清丘

特書同以同為義也時楚主會盟中諸侯皆有
貳心故為是盟以同之同盟之詞曰卹病討貳
宋師伐陳衛人救陳

宋伐陳討貳也衛救陳恤病也春秋兩書之聖
心無適莫焉讀者以大義裁之而是非自見

十有三年春齊師伐莒○夏楚子伐宋○秋螽○冬晉殺其大夫先穀

十有四年春衛殺其大夫孔達

譏同盟諸侯之不同德衛殺大夫孔達以說救陳之罪也

夏五月壬申曹伯壽卒○晉侯伐鄭

救鄭不書書伐鄭以此為報復之師也於伯事奚當哉譏不務德而兵爭

秋九月楚子圍宋

書伐書圍書平蠻夷肆行而莫之敢遏天下之

大故也詳錄之

葬曹文公○冬公孫歸父會齊侯于穀

因齊以謀楚也比書歸父會齊侯歸父會楚子
魯君失政自宣公始魯大夫專政自歸父始
十有五年春公孫歸父會楚子于宋

貳于楚也時楚莊新伯中諸侯皆嚮楚舉一魯
而列國可知

夏五月宋人及楚人平

宋及楚平中諸侯盡歸楚矣特筆之

六月癸卯晉師滅赤狄潞氏以潞子嬰兒歸

欒函所會之羣狄也潞亦狄別種嘗與于伯會
故書爵書名進之也書滅書以歸春秋之義乃
以罪晉○比書楚子伐鄭入陳圍鄭戰邲滅蕭
伐宋圍宋宋及楚平晉主夏盟不在諸侯而有
事羣狄是以大不競於楚

秦人伐晉

晉師略狄土秦人伐之晉所以不敢與楚爭懼
秦之議其後

王札子殺召伯毛伯

以兩下相殺之詞書則臣下之專殺可知專目

王札子則恃親寵擅殺大臣可知譏王室無政
刑亂之所由作

秋螽○陳孫蔑會齊高固于無婁

魯故柔齊今又會楚懼齊之戎討也會于無婁
以敦舊好卒有北鄙之伐盟蜀之恥所謂數會
以厚疑也

初稅畝

李廉曰趙子賦稅例三此年稅畝成元年作丘
甲哀十二年用田賦也趙子改革例十初獻六
羽躋僖公初稅畝作丘甲立武宮作三軍舍中

軍立煬宮從祀先用田賦也凡變常之事皆書革而上者比于治革而下者比于亂察其所革而興亡兆矣

冬蟊生

螽始生者為蟊秋螽冬蟊生甚災也

饑

宣兩書饑一在大水之後一在螽蟊之後蓄積不備而救荒無策國之無政也

十有六年春王正月晉人滅赤狄甲氏及留吁羣狄之別種也統言之曰狄分言之則有赤狄

白狄赤狄潞氏赤狄甲氏及留吁之不一書會書滅罪之義自見

夏成周宣榭火

宣榭榭名榭之在成周者書宣榭火為王國記災也其天王入成周之祥乎

秋鄭伯姬來歸

婦人謂嫁曰歸出曰來歸伯姬歸鄭不書而來歸則書志其變也

冬大有年

宣公在位十八年天災荐臻特書大有年以見

他年之歎也春秋之義乃以志災

十有七年春王正月庚子許男錫我卒丁未蔡侯
申卒夏葬許昭公葬蔡文公

許蔡皆楚與國我會其葬時魯與楚通也

六月癸卯日有食之○己未公會晉侯衛侯曹伯
邾子同盟于斷道

謀諸侯之貳也時晉楚爭伯諸侯惟強是與魯
初服齊已又會楚今改事晉晉故為斷道之盟
以謀之暨晉與魯衛伐齊齊楚與也楚為是侵
衛復侵我而蜀之盟斷道之諸侯又皆往與于

是諸侯兩事晉楚晉景之編凡四書同盟皆諸侯貳故也

秋公至自會○冬十有一月壬午公弟叔肝卒

書公弟非大夫也書卒喪以大夫之禮也何以書賢之也是故內女非夫人不卒卒姒公弟非大夫不卒卒肝皆賢之也傳云宣弑而肝非之終身不食其食

十有八年春晉侯衛世子臧伐齊

齊不與斷道之盟故伐之

公伐杞

宣公薨祿去公室不復有公伐事特書公伐杞
為後公侵鄭公侵齊起文

夏四月○秋七月邾人戕鄆子于鄆

前書邾人執鄆子用之茲又戕于其國天下無
道諸侯自相讎殺春秋於其甚者錄之以明戒
甲戌楚子旅卒

楚自辰陵而後莊主夏盟與中諸侯交政通於
告赴故書名書卒春秋備錄之稱楚子從史文
也

公孫歸父如晉○冬十月壬戌公薨于路寢○歸

父還自晉至笙遂奔齊

人臣有去國之道凡無罪而去者春秋不書

蔡季

季子不書奔

還自晉無罪之詞也書遂奔有罪之

詞也歸父雖無罪原其所以見逐則亦非出於
无妄之災矣宣公薨季文子言於朝曰使我殺
嫡立庶者仲也乃逐東門氏春秋奔歸父于公
薨之後旨微矣哉○歸父奔自是政在季氏